

大毘婆沙論


籍

才一百二十四

麤四

三百八十四

50556



阿毗達磨大毗婆沙論卷第二百二十四 虧

五百大阿羅漢等造 三藏法師玄奘奉 詔譯

業蘊第四中表無表納息第四之三

問頗有惟受三歸成近事不為有律儀缺減  
成近事不若言有者契經所說文句差別豈  
非無義如說我某甲歸佛法僧願尊憶持我  
是近事我從今日乃至命終護生歸淨亦應  
說有律儀缺減勤策苾芻等若無者即前契  
經文句差別寧非無義何故安立一分少分  
多分滿分近事耶健馱羅國諸論師言惟受  
三歸及律儀缺減悉成近事問若惟受三歸  
成近事者契經文句寧非無義經說近事受



律儀時於戒師前作如是說我某甲歸佛法  
僧願尊憶持我是近事我從今者乃至命終  
於其中間護生歸淨荅彼由此表但得三歸  
名爲近事而未得律儀後說學處方得律儀  
然彼文句非爲無義由後自誓令前三歸得  
堅牢故若不護生歸非淨故問若缺減律儀  
成近事者便爲善順一分等言所以者何若  
受一名一分受二名少分受三名多分  
具受五名滿分故云何不有律儀缺減勤策  
苾芻等耶荅佛觀所化機宜不同授與律儀  
亦不一種如諸近事不樂捨家爲攝引故佛  
隨其意於五學處多少受得故彼律儀有缺

減受苾芻勤策意樂捨家爲安立故制具律儀具受乃得故彼律儀無缺減受以是世尊內眷屬故迦濕彌羅國諸論師言無有惟受三歸及缺減律儀名爲近事問若介契經寧非無義如說我某甲歸佛法僧乃至廣說答彼由此表旣得三歸亦得律儀故戒近事問此惟自誓離於殺生士何由此具得五種答由此自誓離殺爲依五種律儀亦俱時得五學處中彼爲勝故以受戒者爲不損生於損生中殺爲上首故以離殺爲五所依又護生言非惟離殺謂不損惱一切有情彼自誓言我從今者乃至命盡於諸有情不害其命不

盜其物不侵其妻不行虛誑爲護前四亦不  
飲酒故護生言非惟離殺然有別誦言捨生  
者此言意說捨殺生等略去殺等但說捨生  
又捨生言顯於生類捨損惱事即五律儀皆  
爲遮防損生事故由此自誓方得律儀故彼  
契經非爲無義問若惟自誓便得律儀何故  
復說五種學處答雖由自誓已得律儀而未  
了知彼差別相欲令知故說五學處故彼所  
說皆非無義問若余何故說有一分等鄔波  
索迦耶答此說持位非說受位謂於五中持  
一不持四名一分持二不持三名少分持三  
持四名多分持五名滿分尊者僧伽筏蘇

分同前二師說彼說無有惟受三歸便成近  
事然有缺減五種律儀亦成近事謂彼將受  
近事戒時先與戒師共詳審議如是學處我  
能受持如是學處我不能受既詳議已歸佛  
法僧自誓要期得尔所戒隨先詳議能受少  
多今得律儀其數亦尔由此故說近事律儀  
名詳議戒非勤策等戒得有此名如是說者  
無但三歸即成近事亦無缺減近事律儀成  
近事者如無缺減勤策等律儀名勤策等彼  
亦如是  
問諸有但受近事律儀不受三歸得律儀不  
有說不得以受三歸與此律儀爲門爲依爲

加行故有說不定謂若不知先受三歸後方受戒信戒師故便受律儀彼得律儀戒師得罪若彼解了先受三歸後受律儀是正儀式罪若彼解了先受三歸後受律儀是正儀式但憍慢故不受三歸作如是言且應受戒何用歸信佛法僧為彼慢纏心雖受不得問若先不受近事律儀便受勤策律儀得勤策律儀不有說不得以近事律儀與此律儀為門為依為加行故有說不定若不了知先受近事律儀後方受勤策律儀信戒師故受此律儀彼得律儀戒師得罪若彼解了先受近事律儀後受勤策律儀是正儀式但憍慢故不欲受學近事律儀作如是言何用受此近事

劣戒彼慢纏心雖受不得如說不受近事律儀而受勤策律儀如是不受勤策律儀而受苾芻律儀廣說亦尔

問諸近事受勤策律儀及勤策受苾芻律儀彼爲捨前律儀得後律儀不若捨前得後者何故施設論說前後律儀彼俱成就又若捨者後捨勤策爲近事時及捨苾芻爲勤策時更未受戒云何得彼近事勤策二律儀耶若不捨者彼既成就二種律儀或復三種何故得名惟依後戒又親教師彼既有二何故佛說後是前非答受後律儀不捨前戒謂近事受勤策律儀不捨近事五更得勤策十尔時

成就十五律儀若勤策受苾芻律儀不捨前  
十五更得苾芻過二百五十時成就過二  
百六十五律儀有餘師說若近事受勤策律  
儀不捨近事五更得勤策五時成就十種  
律儀若勤策受苾芻律儀不捨前十更得苾  
芻過二百四十時成就過二百五十律儀  
問彼既成就二種律儀或復三種何故得名  
惟依後戒答就勝立名不應爲難如得勝位  
捨本劣名問彼親教師既有二種何故佛說  
後是前非答以勝律儀依後師得不依前故  
如不依彼律儀得名彼師亦不復有說者捨  
前律儀問若亦何故施設論說前後律儀彼

俱成就答彼論意說由前律儀資後令勝前  
戒勢力今時猶轉故說成就而先律儀實不  
成就問後捨苾芻為勤策時及捨勤策為近  
事時復云何得彼二戒耶答即由語表自誓  
我今還為勤策或近事故得二律儀非成舊  
戒如是說者不捨前戒而得後戒彼後所受  
非前所受相違法故又前後戒因緣各別不  
應相合成十數等

問若童子時受近事戒至少年位方娉妻室  
彼於此妻先得戒不若先得者今應犯戒若  
先不得則此律儀應從少分有情處得答應  
言先得問若尔今應犯戒答得由別分非摠

相續先所受得離欲邪行非非梵行今如何  
犯習近自妻非邪行故謂一相續別分有多  
所遮所行別故無犯

問若童子位得不作律儀至少年時方娉妻  
室彼於此妻先得律儀不若先得者今應犯  
律儀然不作律儀得必無犯若先不得則此  
律儀應從少分有情處得答應言先得廣說  
如前

問近事律儀依何處有答依欲界有非色無  
色界依人趣有非餘趣依三洲有除北洲問  
若此律儀惟依人趣契經所說當云何通如  
契經說時天帝釋來詣佛所作如是言願佛

憶持我是近事我從今者乃至命終於其中  
間護生歸淨答彼自顯示是信等流非受律  
儀不應為難

如契經說近住律儀具足八支何等為八謂  
離害生命離不與取離非梵行離虛誑語離  
飲諸酒諸放逸處離歌儻倡伎離塗飾香鬘  
離高廣床離非時食問此有九支何以言八  
答二合為一故說八支謂離塗飾香鬘與離  
歌儻倡伎同於莊嚴處轉故合立一支問去  
何名近住去何近住支答離非時食名為近  
住離害生等名近住支問此近住支應惟有  
七答離非時食名為近住亦近住支故不惟

七如正見名道亦道支餘名道支非道擇法  
名覺亦覺支餘名覺支非覺三摩地名靜慮  
亦靜慮支餘名靜慮支非靜慮如是離非時  
食名近住亦近住支餘名近住支非近住故  
說近住具足八支尊者妙音衆世說曰應言  
近住或全無支或一二三乃至或七非要具  
八方名近住如是說者非全無支乃至或七  
得名近住名近住者要具八支  
問近住律儀云何而得答從他教得謂隨師  
教自發誠言恭敬受得問受律儀者或先自  
發言或與師俱說得律儀不答不得要隨師  
語如師語而說方受得故問近住律儀從誰

應受荅從七衆受皆得非餘所以者何若無  
盡壽戒者則不堪任爲戒師故問著何服飾  
受此律儀荅常所受用衣服嚴具著之皆得  
受此律儀若爲暫時莊嚴身者必須棄捨方  
受此戒床座等具准此應知問齊何時受荅  
齊一晝夜不增不減謂清旦時從師受得至  
明清旦律儀便捨問若有頓受半月一月或  
復多時得律儀不荅應言不得所以者何一  
晝夜時分限定故光暗往來易了知故一齋  
食時非時定故非一晝夜近住律儀可使頓  
經二晝夜受況多晝夜可頓受得如近事等  
盡壽律儀不可頓受二衆同分況多同分可

頓受得晝夜律儀。理亦應。今律儀分齊。惟有  
二故。問受晝非夜。受夜非晝。得此戒。不有說  
不得。所以者。何佛說此爲晝夜戒。故問若  
尊者迦多衍那所說。因緣當云。何通如說時  
彼尊者告屠兒言。汝等皆應離此惡業。勿於  
來世受大苦果。屠兒答言。我以此業而自存  
活。如何能離。尊者告言。汝等所作屠羊等業。  
何時分造。屠兒答言。惟於晝分。尊者告曰。汝  
等可於夜分受持。近住八戒。諸屠兒輩歡喜  
奉行。命終皆生曠野。鬼趣。每於晝日。有黑駝  
狗。欬然而現。噉食其肉。惟餘骸骨。俄頃肉生。  
平復如舊。還被食噉。受諸苦惱。如地獄趣。每

至夜分五欲自娛遊戲受樂猶如天趣尊者  
復詣諸欲邪行姪女等處告言汝等應離此  
業勿於來世受大苦果彼人荅言我等久習  
如是事業非卒能離尊者告言汝等所作姦  
穢事業在何時分彼人荅言惟於夜分尊者  
告曰汝等可於晝分受持近住八戒諸邪行  
者歡喜奉行命終皆生曠野鬼趣每於夜分  
有百足虫歛尔而生啜食其肉惟餘骸骨俄  
頃肉生平復如舊還被啜食受諸苦惱如地  
獄趣每至晝分五欲自娛遊戲受樂猶如天  
趣如是所說當云何通荅彼妙行攝非是律  
戒受妙行果非律儀果是以無過有餘師言

是彼尊者神力化作非是真實令俱眩耳馱  
世間故化為彼事故不須通有說亦得謂有  
要期月八日等恒受齋戒有緣礙故得如是  
受評曰前說為善晝夜戒故問若至午後受  
此戒者亦得戒不答應言不得除先要期月  
八日等恒受齋戒彼有餘緣午前不憶食已  
方憶深生悔愧即請戒師如法受者亦得此  
戒

問扇搆半擇迦無形二形受近住律儀得律  
儀不答應言不得所以者何彼所依身志性  
羸劣非律儀器亦不能為不律儀器如鹹鹵  
田嘉苗穢草俱不生長然應授彼近住律儀

今生妙行當受勝果或肩擔等國王委任冷  
知要務苦楚多人若受律儀毒心暫息饒益  
多人故亦應為受然實不得近住律儀

如是所說近住律儀或有根本業道淨而近  
分不淨如自在者受此律儀有彼厨人欲害  
生命擬充所食彼便告曰我今受戒不得殺  
生留待明朝殺充所食復有捕獲怨敵將來  
請欲加害彼便告曰我今受律儀不得殺害  
留待明旦依法刑戮如是名為根本業道淨  
而近分不淨世尊說彼所受律儀雖是勝業  
而不獲大果或有根本業道淨近分亦淨而  
惡尋思之所損害謂欲尋思恚尋思害尋思

世尊說彼所受律儀雖是勝業而不獲大果  
或有根本業道淨近分亦淨非惡尋思之所  
損害而不攝受正念謂佛隨念法隨念僧隨  
念戒隨念捨隨念天隨念世尊說彼所受律  
儀雖是勝業而不獲大果或有根本業道淨  
近分亦淨非惡尋思之所損害攝受正念而  
不迴向解脫謂求生天欲樂等故受持禁戒  
世尊說彼所受律儀雖是勝業而不獲大果  
若有根本業道淨近分亦淨非惡尋思之所  
損害攝受正念迴向解脫世尊說彼所受律  
儀是殊勝業能獲大果世尊依後所受律儀  
告毗舍佉鹿子母曰若有成就此八近住律

儀十六大國所有珍寶欲比其價十六分中  
不能及一如是百分千分百千分數分筭分  
乃至鄔波尼殺曇分亦不及一十六大國者  
謂決伽國摩揭陁國迦尸國憍薩羅國佛栗  
氏國末羅國奔達羅國蘇喻摩國頰濕縛迦  
國頰飯底國葉笈那國劔跋闍國俱盧國般  
遮羅國笈蹉國戈洛西那國此十六國豐諸  
珍寶故偏說之諸珍寶者謂末尼真珠吠琉  
瑠寶螺貝璧玉珊瑚金銀摸娑洛揭拉娑寶  
頰濕摩揭娑寶赤珠右旋寶等又佛依後所  
說律儀訶天帝釋所說讚頌如天帝釋聞佛  
所說近住律儀功德殊勝便以伽他而讚

歎曰

六齋神變月

受持八戒齋

彼功德殊勝

則爲與我等

尔時世尊告苾芻衆此天帝釋所說伽他違  
於道理若阿羅漢可作是說所以者何此天  
帝釋貪瞋癡等未能永離未得解脫生老病  
死愁憂悲苦纏縛身心如何可言受持此戒  
所獲功德與我等耶諸阿羅漢諸漏已盡所  
作已辦捨諸重擔自利已滿盡諸有結心善  
解脫不受後有彼可說言受持此戒所獲功  
德則與我等天帝功德惟感天帝受持八戒  
證三菩提故不應言但與其等

問誰應受此近住律儀有作是說惟聖者非  
異生惟是近事非非近事誰有爲暫時捨盡  
壽然有爲盡壽捨盡壽爲盡壽捨暫時誰有  
爲暫時受盡壽然有爲盡壽受暫時如是說  
者亦聖者亦異生亦近事亦非近事然薄伽  
梵爲毗舍佉鹿子母說及天帝釋所說伽他  
惟依聖者

問近住律儀依何處有答惟依欲界有非色  
無色界依人趣有非餘趣依三洲有除北洲  
問若此律儀惟依人趣契經所說當云何通  
如契經說有海居龍從大海出於六齋日受  
八戒齋放捨身心寂然而住徐發吟韻作如

是言今於世間無所惱害。答彼得妙行不得律儀。自慶暫時離諸惡行。彼自憶念昔在人中受八戒齋。不能清淨。有毀犯。故墮龍趣。中作是思。惟我本人趣。若能清淨持八戒齋。今應生天。受諸快樂。何期毀犯墮斯惡趣。厭惡行。故數從海出。受八戒齋。吟韻自慶。然實彼龍。惟得妙行。不得律儀。問何故。此律儀名爲近住。答近阿羅漢住。故名近住。以受此律儀。隨學彼。故有說。此近盡壽戒住。故名近住。有說。此戒近時而住。故名近住。如是律儀。或名長養。長養薄少善根。有情令其善根漸增多。故有說。長養在家善根。令近出家善根住。故

問如是所說八支律儀幾是尸羅支幾是不  
放逸支幾是遠離支答五是尸羅支謂離害  
生命乃至離飲酒一是不放逸支謂離非時  
食餘二是遠離支又前四是尸羅支離性罪  
故第五是不放逸支雖受尸羅若飲諸酒心  
便放逸不能護故後三是遠離支以能隨順  
獸離心故獸離能證律儀果故由此近住具  
有八支而於五增三於十減一合二爲一故  
開一名爲二故

業蘊第四中自業納息第五之一

云何自業自業是何義如是等章及解章義  
既領會已次應廣釋問何故作此論答爲欲

分別契經義故如契經說佛告摩納婆世間有情皆由自業皆是業分皆從業生業爲所依業能分判諸有情類彼彼處所高下勝劣契經雖作是說而未廣辯自業之義契經是此論所依根本彼不說者今應說之故作斯論尊者世友說曰世間有情皆由自業者謂自作業還自受異熟皆是業分者謂如所作業受如是異熟皆從業生者謂業爲生因取異熟果生於彼彼所應生處業爲所依者謂業爲依因受彼彼有彼彼有具業能分判諸有情類彼彼處所高下勝劣者謂如前說彼彼生處由業分判高下勝劣。

云何自業。若業已得。今有異熟。及業異熟。已生正受。若業已得。今有異熟者。此句顯示。順中有受業。及業異熟。已生正受者。此句顯示。順生有受業。如順中有受。順生有受。應知。順起受。異熟順。受異熟。順起受。果順生受。果順細果。順。鹿果業。亦。介。問。爲。由。因。故名。自業。爲。由。果。故名。自業。耶。若。由。因。故名。自業者。後句所說。當云。何通。後句說。言。及。業。異。熟。已。生。正。受。若。由。果。故名。自業者。前句所說。當云。何通。謂。業。已。得。今。有。異。熟。有。作。是。說。但。由。因。故名。爲。自業。由。前句。故。有。作。是。說。但。由。果。故名。爲。自業。由。後句。故。如。是。說。者。但。由。因。故名。

爲自業問者。亦者何故。復說及業異熟已生。正受答於住果位。彼因方得自業之名。是故尊者妙音說曰。若愛非愛果已起。現前彼業。亦時名爲自業。非未造業及造業時。有能現前受異熟果。要業滅已。果方起。故自業是何義。答是得自果自等流。自異熟義。此中有說自果者。士用果自等流者。等流果。自異熟者。異熟果。有說諸句皆顯異熟果。此中說感異熟業名。自業故。有處等流以異熟聲說。如說何等名受異熟。答言愛是有處。異熟以等流聲說。如此中說。復次此業所招。異熟於自相續。現熟非餘。故名自業。問爲此造。

業即此受果爲異造業異受果耶答有緣故  
說此造此受有緣故說異造異受有緣故說  
無造無受有緣故說此造此受者謂蘊處界  
展轉相續刹那雖異可說一故有緣故說異  
造異受者謂人趣造業餘趣受果餘趣造業  
亦亦有緣故說無造無受者謂一切法無我  
無有情無命者無養育者無補特伽羅空無  
內士夫離作者受者惟有生滅諸行聚故於  
自相續養隨養育隨育護隨護轉隨轉益隨  
益故名自業問善業異熟可於自相續能爲  
養等不善業異熟於自相續但爲損害如那  
落迦十三猛焰纏繞其身彼寧有養等耶答

養等有二種一令增長二令不斷善業異熟  
於自相續由二事故說名養等惡業異熟於  
自相續但令不斷說名養等非令增長故無  
有過

若業是自業此業當言過去耶未來耶現在  
耶答此業當言過去問何故此業不當言未  
來答非先受果後造因故問何故此業不當  
言現在答異熟因果不俱時故

若業是自業此業成就耶答應作四句有業  
是自業此業不成就謂業已得今有異熟及  
業異熟已生正受此業已失如無間業已現  
在前已牽異熟果正現前此業已失由捨所

依衆同分故若律儀業已現在前已牽異  
熟此有四種謂順現法受順次生受順後次  
受順不定受果正現前此業已失由四緣故  
或五緣故謂捨所學二形生斷善根捨衆同  
分或明相出若不律儀業已現在前已牽異  
熟此有四種謂順現法受等如前說果正現  
前此業已失由四緣故謂受律儀得靜慮二  
形生捨衆同分若非律儀非不律儀諸餘身  
語妙行惡行已現在前已牽異熟此有四種  
謂順現法受等如前說果正現前此業已失  
由三緣故謂意樂息捨加行限勢過若欲界  
繫善不善思已現在前已牽異熟此有四種

謂順現法受等。如前說。果正現前。此業已失。謂若善者由斷善根。或由捨衆同分等。故若不善者由離染故。若惡作憂根俱生善思已。現在前已牽異熟。此有四種。謂順現法受等。如前說。果正現前。此業已失。由斷善根。故或已離染。故若初靜慮。順退分。順勝進分。順決擇分等業已。現在前已牽異熟。此有四種。謂順現法受等。如前說。果正現前。此業已失。由已離染。故或易界地等。故如是乃至非想非非想處。順退分等業。廣說。應知有業成就。此業非自業。謂業非已得。今有異熟。及業異熟。非已生。正受此業。不失。如無間業已。現在前。

已牽異熟果未現前此業不失由未捨所依  
衆同分故若律儀業若不律儀業若非律儀  
非不律儀諸餘身語妙行惡行若欲界繫善  
不善思若惡作憂根俱生善思已現在前已  
牽異熟皆有四種謂順現法受等如前說果  
未現前此業不失由無前所說諸失緣故若  
初靜慮順退分順任分順勝進分順決擇分  
等業已現在前已牽異熟此有四種謂順現  
法受等如前說果未現前此業不失由未全  
離染不易界地等故如是乃至非想非非想  
處順退分等業廣說應知有業是自業此業  
亦成就謂業已得今有異熟及業異熟已生

正受此業不失如律儀業若不律儀業若非律儀非不律儀諸餘身語妙行惡行已現在前已牽異熟此有二種謂順現法受順不定受果正現前此業不失由無前所說諸失緣故若欲界繫善不善思若惡作憂根俱生善思已現在前已牽異熟此有四種謂順現法受等如前說果正現前此業不失由無前所說諸失緣故若諸靜慮無色順退分順住分順勝進分順決擇分等業已現在前已牽異熟此有四種謂順現法受等如前說果正現前此業不失由無前所說諸失緣故有業非自業此業亦不成就謂業非已得今有異熟

及業異熟非已生正受此業已失如無間業  
餘衆同分中已消已受已作所作已與果已  
無能異熟已熟若律儀業若不律儀業若非  
律儀非不律儀諸餘身語妙行惡行若欲界  
繫善不善思若惡作憂根俱生善思若諸靜  
慮無色順退分順住分順勝進分順決擇分  
等業餘衆同分中已消已受已作所作已與  
果已無能異熟已熟此業已失由有前說諸  
失緣故非亦有四句翻是應知謂前第二句  
作此第一句前第一句作此第二句前第四  
句作此第三句前第三句作此第四句廣說  
如前

阿毗達磨大毗婆沙論卷第二百二十四

虧

健馱

上其建反下唐賀反

要期

上音邀約也

娉

正併反

娶分

齊

去聲二字並

衍那

上演音

駁

必角也反

欻然

反許忽起

起

之頃

傾字聲

娛

音愚

啖食

上子雜反

俱

眩耳

中珎

暹

反亦去億丘名也

扇

擄

半擇

迦

佳拂反

黃門惣名也

鹹鹵

二字音咸

種

植也

愆敵

上的反

下刑

戮

下音舍

佞

下丘反

決

音居

揭

栗

票

上力吉反

噠

音達

喻

許及

頰

於葛反

筏

蹉

七音伐

下戒

摸

莫胡反

揭

拉

上居列反下郎合反

